

韓

文

類

譜

韓文類譜卷第一

韓吏部文公集年譜

汲郡呂

大防

代宗大曆三年戊申

集序云愈生於是年

大曆十四年己未

德宗建中元年庚申

建中四年癸亥

興元元年甲子

貞元元年乙丑

貞元八年壬申

是年進士及第年二十五

貞元十一年乙亥

是年上宰相書不報五月東歸作感二鳥賦

貞元十三年丁丑

是年從董晉辟爲汴宋潁亳觀察推官

按公行狀從辟在十二年七月此差一年

貞元十五年己卯

是年晉死愈從喪歸作汴州亂詩

貞元十六年庚辰

依徐州張建封

按公去年之二月末已至徐矣此日足
可惜詩可考

貞元十九年癸未

是年拜監察御史坐言事貶連州陽山令時
有送浮圖文暢孟東野序

貞元二十年甲申

是年移江陵掾以四門博士徵

按公移江陵掾在明年未嘗以四門博
士徵也不知何所本

貞元二十一年乙酉

是年順宗永貞元年時有進學解永貞行豐
陵行五箴

按進學解元和七年作所謂三爲博士
是也豐陵行亦明年七月作

憲宗元和元年丙戌

是年作釋言云自江陵召拜國子博士

按釋言作於二年春時李吉甫已登相

位矣

元和二年丁亥

是年作元和聖德詩

元和三年戊子

是年分教東都

按公行狀分教東都實始去歲

元和四年己丑

爲國子博士改分司都官

元和五年庚寅

爲河南令

元和六年辛卯

拜職方員外郎時有送窮文寄廬仝詩雙鳥

詩石鼓歌月蝕詩

按公效玉川子詩云元和庚寅斗插子
是在五年之十一月也或當踰年效所
作然實無所考也

元和七年壬辰

時有石鼎聯句序毛穎傳

按摭言云韓文公書毛穎傳好博塞之
戲張水部以書勸之以張籍二書考之
蓋貞元中在汴州日作又柳子厚書毛
穎傳後謂自吾居夷不與中州人通書

有來南者時言韓愈爲毛穎傳而與楊
誨之書云足下持韓生毛穎傳來僕甚
奇之子厚遷永州憲宗初即位也而與
楊誨之書云今日有北人來示將籍田
勅籍田在元和五年則是毛穎傳蓋作
於元和初年間摭言固誤矣而此譜以
爲元和七年者實非也

元和八年癸巳

拜比部郎中史館修撰時有荅元侍御書與

劉秀才論史書

按公是年三月拜史館修撰荅元書蓋
踰年九月也書云前歲辱書是踰歲後
荅書也當附來歲

元和九年甲午

拜考功郎中知制誥作藍田縣丞廳記

公是年十二月十五日知制誥洪云唐
本藍田丞記元和十年作當從之

元和十年乙未

拜中書舍人

考唐寶錄拜中書舍人在來年正月此

差一年

元和十一年丙申

拜右庶子

元和十二年丁酉

是年裴度討淮西命愈彰義軍行軍司馬是
年拜刑部侍郎爲淮西碑

考公進平淮西碑表蓋來歲之三月也

元和十三年戊戌

元和十四年己亥

諫佛骨貶潮州有諫表

元和十五年庚子

移袁州刺史召拜國子祭酒有與孟尚書書
穆宗長慶元年辛丑

長慶二年壬寅

二月拜兵部侍郎宣諭鎮定改京兆尹

按唐舊紀拜兵部侍郎實元年六月是
歲以本官宣諭也尹京兆亦在來歲之

夏

長慶三年癸卯

十月改兵部侍郎尋拜吏部侍郎

公再爲兵部蓋去歲之秋嘗遷吏部及
是夏尹京兆故也譜文太略

長慶四年甲辰

有南溪始泛詩八月疾免吏部侍郎十二月
卒

予苦韓文杜詩之多誤旣讎正之又各
爲年譜以次第其出處之歲月而略見
其爲文之時則其歌時傷世幽憂竊嘆
之意粲然可觀又得以考其辭力少而

銳壯而健老而嚴非妙於文章不足以
至此元豐七年十一月十三日汲郡呂

大防記

續譜 章氏 楊家莊讀調

韓文類譜卷第一

龜正云西八刀小玲
璣山齋本校刊

吳郡李士芳鑄

韓文類譜卷第二

韓文公歷官記

信安程俱致道

予友彭城陳傳道

師仲少時嘗慕其韓文公

歷官出處之槩凡傳不載而見於他書者將一二以記比出舊藁示予予疑未廣因補次其遺十增七八其所攷訂微言小節纖悉畢具蓋得於文公之文者爲多至其論辨是非與夫坎壈之致則著之尤詳蓋古之賢士信道堅篤其出身從仕下不爲卑賤之所詬塞

既貴不爲高官厚祿之所誘制而唯辨不苟
已事不苟隨雖關摧節沮而終不撓者如文
公可得見耶故樂記其事而傳之若本傳所
載此則略云崇寧元年八月一日信安程俱
致道叙

韓文公愈字退之昌黎人其八世祖茂仕後魏
號安定桓王見皇甫湜所作神道碑及公作韓房墓銘次子金部尚書
均均生皎雅州刺史皎生泰曹州司馬泰生桂
州長史叡素叡素生四子長曰仲卿祕書郎武
昌鄱陽令贈尚書左僕射次曰少卿當塗永曰

雲卿監察御史曰紳卿高郵尉愈仲卿之幼子
也以大曆三年戊申歲生三歲而孤養於兄會

六歲時兄宦王官又從居秦見行狀及祭
鄭夫人丈七歲已

知讀書能記他生之習十三能文見公與邢君牙
書能記他生見

會責韶州亦從之會歿嫂鄭挈以北歸葬會

河陽既又就食江南見祭鄭及
姪老成丈貞元二年始至

京師舉進士凡四舉至八年乃登第年二十五

矣三選於吏部不得官聞吏部有博學宏辭選

者再試纔一得又黜於中書見歐陽生哀詞及
邢君牙崔立之書十一

年正月三上書時相不報時相盧邁賈耽趙憬

也

以年月攷唐書
宰相表得之

五月去京師

荅李翹書云在京城
八九年無所資云云

有

不遇時之歎感二鳥以賦過潼關遊鳳翔以書

抵邢君牙不得意去

感二鳥賦云貞元十五年一本
作十一年賦序云自七歲至今

凡二十二年則是二十八歲其爲貞元十一年明矣若十五年則已罷汴吏而之徐矣未嘗出國門以過潼關也

十二年秋七月董晉節度汴州辟署試校書郎

汴宋亳潁四州觀察推官

李肇國史補作巡
官恐當以此爲正

明

年七月退休于居作復志賦十五年二月晉薨隨

晉喪出四日而汴州亂愈家在園中尋得脫下

汴東趨彭城愈從喪至洛還孟津渡汜水出陳

許閒抵徐州節度使張建封居之于符離睢上

及秋將辭去建封奏爲節度推官試協律郎

見贈

張籍詩聞子高第日云
云及孟郊書官見行狀受牒之明日在使院中有小

吏持院中故事來其中有自九月至明年二月

終皆晨入夜歸無故不許出愈上書建封言非

己所能請寅入辰退申入酉退亦不廢事建封

好擊毬愈累書諫又爲詩曰汴泗交流以諷營

田巡官陳從政得白兔於符離愈以謂盜逆臣

伏之象請表聞

按柳子厚代京兆府賀徐州刺史張愔

所進白兔表愔建封子也建封卒愔自

稱知軍事朝廷從之蓋建封未及以表聞而愔獻之也建封死於明年五月此事當次於朝正既還之後方可

是歲冬建封使愈朝正于京師國子監四門助

教歐陽詹欲率其徒伏闕下請愈爲博士會監

有獄不果上

見詹哀辭明年夏去徐州將西居于洛

陽

見題李生壁

尋選授四門博士會勅百令百寮議

禘祫愈獻議當禘祫時獻祖宜居東向之位景

皇帝宜從昭穆之列

計愈去徐貞元十六年也施士可墓誌云貞元十八年太學博

士可卒其僚韓愈爲之辭則公爲博士當是十七八年

公議補祿新史禮樂志及陳京傳並見
但傳文稍詳然京傳載初集議實在貞
元十七年公議與韋武陸湧等議並列
于後至十九年遂定從王紹等議故今
公議狀首載云今月十六日勅旨宜令
百僚議限五日內聞奏則是首議之日
有此旨也是公除博士蓋在十七年也
洪樊二譜以爲初除在十八年誤矣詳

見洪譜

十九年遷監察御史是年京師旱民飢詔蠲租

半有司徵求反急愈與同列張署李方叔上疏

言狀天子惻然卒爲幸臣所讒貶連州陽山令

見寄翰林三學士詩及祭張署李柳州文署墓誌愈時年三十五矣按德宗紀十九年七月自正月不雨至于是月甲戌雨所謂幸臣蓋李實也實時尹京據實本傳二十年關輔飢實方務聚斂云而新唐書乃云上書論宮市被斥與此不合

順宗立改元永貞赦天下遷者皆追回愈爲觀

察使所抑財徙江陵府法曹參軍

八月十五日夜贈張功曹詩略

云昨者州前槌大鼓嗣皇繼聖登夔臯遷者追回流者還瀟
瑟蕩垢清朝班州家申名使家抑坎輞只得移荆蠻云云

道經岳陽登樓賦詩浩然有掛冠之興

岳陽樓別寶司直詩

憲宗元和元年六月召還權知國

子博士

見釋

會擒劉闢上元和聖德詩父之從

終篇云行當掛其冠生死君一訪

兄俞卒開封尉愈哀其孤乞分教東都生以收其孥教畜之

見俞墓誌

三年改真博士

親行

明年爲

都官員外郎

司東都判祠部中官號功德使

司京城觀寺尚書歛手失職愈按六典盡索之

以歸日與官者爲敵惡言詈辭狼籍公牒乃上

書留守鄭餘慶乞與諸郎官更判不見允五年

代薛戎爲河南令與處士石洪溫造盧仝故登

封尉盧殷常來往殷死爲買棺木

見薛戎盧殷墓誌

少室

山人李渤以拾遺召渤堅卧不起愈以書勸說

之渤悅其言乃行

公遺李渤書在三年十二月洪已辨之
按新史云渤隱少室元和初以右拾遺
召於是河南少尹杜兼遣吏持詔幣即
山敦促渤謝不拜洛陽令韓愈遺書云
云渤心善之始出家東都朝廷有嗣政
輒附章列上按杜兼爲少尹實在三年
次年則遷尹矣兼亦竟卒於次年之冬
固不應在五年也公五年爲河南令亦
非洛陽也

有軍人有罪愈追而問之不時至怒杖之軍吏

紛紛入告留守不察愈上書辨決去就

當是神策軍

明年遷朝議郎職方員外郎上騎都尉時富平
梁悅爲父報仇殺人詔議愈狀請定其制曰凡
有復父讐者事發具事由下尚書省集議華州
刺史奏華陰令柳澗罪將貶之愈上疏請辨曲
直既按澗有犯愈由是左遷國子博士盧全時
客常州見除目歎之以詩盧全詩云今日除書報韓君又學官久之

見行狀

以書箴其失八年監修李吉甫以前官韋處厚
撰順宗實錄授愈同修撰沈傳師直館宇文籍
修成凡五卷上之詔以其間頗有抵牾者復詮
改以進尋轉考功郎中修撰如故數月知制誥
上將平蔡命御史中丞裴度使諸軍以視兵還
奏兵可用賊可滅頗忤宰相意見行狀會盜殺宰
相及傷中丞捕賊甚急得賊未給賞愈表言方
竊據未平宜示人以信趣給賞朝議多欲罷兵
愈狀論淮西事宜以謂蔡可立破所未可知者
在陛下斷與不斷耳請遣諸道兵募土人以足

兵數又請分爲四道擇要地屯聚量勢俱發又
言蔡士卒本皆迫脅若形勢已窮宜勑諸軍貸
以生命又言賞罰不可不明又請下詔淄青恒
冀使無自疑議與度合宰相惡之見行月滿遷
中書舍人賜绯魚袋後竟以它事改太子右庶
子十一年也科斗書記云十一年右庶子云云十二年秋度討元
濟奏愈爲行軍司馬官如故兼御史中丞賜三
品服從度次於鄆城愈知蔡卒精銳悉拒境城
中虛請兵三千間道擒元濟度未及用而李愬
自文城入矣蔡平處士柏耆以計謁愈愈白度

使其奉書諭王承宗承宗惶恐割二州獻班師
愈遷刑部侍郎見行狀舉錢徽代十四年正月憲

行狀

舉

錢徽

代

十四年正月憲

宗迎佛骨於鳳翔愈疏諫貶潮州刺史潮有鰐
魚患愈訓以文鱸徙去置鄉校以趙德攝海陽
尉教授州學有僧大顛者聰明識道理外形骸
不爲事物侵亂愈召留守署十數日與往來及
祭神海上造其廬旣行留衣服爲別不知者傳
愈稍信奉佛氏孟簡素事佛以書贊之愈荅書
以辨其冬天子進尊號稍移袁州舉韓泰代穆
宗卽位以國子祭酒召還朝愈初在袁檢括良

人子女爲奴婢者計償折直一切放之所放凡
七百人至是請立法行之諸路又論夷獠請因
改元大慶遣使宣諭仍擇經略使以鎮撫之既
入國子監舉張惟素代又舉張籍爲博士不行
有直講能說禮而陋容學官多豪族子擯之不
得共食愈命吏召直講來與祭酒共食學官由
此不敢賤直講奏儒生爲學官日使會講生徒
喜曰韓公來爲祭酒國子監不寂寞矣見行狀又
請國子監依六典置學生三百人取文武三品
已上及國公子孫從三品已上曾孫補充太學

館量取常參官八品以上子弟充四門館量取
無資墮有才業人充如有資墮不補學生應舉
者禮部勿收試又牒吏部國子監學官非通經
博涉及進士五經諸色登科人勿擬新官上日
必加研試然後放上

洪譜以復國子監生徒狀當在元和元
年謂歷官記恐誤樊本以前後編次考
之作貞元十九年任四門博士日所請
洪之意蓋以狀云今聖道大明儒風復
振恐須革正以贊鴻猷謂本於憲宗即

位也然以穆宗即位言之亦無不可請復六典之舊奏非登科人勿擬學官蓋皆一時事公前後四官學省然此二事非祭酒不可要當以此爲正

遷兵部侍郎舉韋顗代長慶元年成德軍亂詔愈宣撫遂出牛元翼還爲吏部侍郎尋改京兆尹兼御史大夫舉馬摠代六軍將士皆不敢犯相語曰是尚欲燒佛骨者安可忤遇旱米價不敢踰時李紳爲中丞方幸宰相謀去之特詔愈不臺叅紳果爭愈與之交辨又紳械囚送府杖

之愈不受宰相因言臺府不協出紳江西

按八荅友人書云臺叅實奏云容桂觀察使帶中丞尚不臺叅京尹豈得却不
如聖恩以爲然便令宣與李紳詳此書
蓋臺叅公面奏得旨非出宰相之謀亦
非特詔也程所書皆本新史之言故或
者遂謂公蹙紳以附宰相李逢吉皆不
考始末也蓋公恃其嘗有薦紳之恩且
視紳晚輩每事耻出其下遂至紛爭而
逢吉逐紳之謀實出於臺府既爭之後

若曰逢吉首爲此謀以逐紳而公不悟
憤其計中則亦非人情也神道碑謂宰
相秉之此言得其實也然公著順宗實
錄知京兆尹李實之不避道於侍御史
王播爲非而此反躬自蹈之又奏云是
何典故以至引赤令爲比赤令自以逐
捕之故事不相侔蓋皆一時曲辨也况
當時敕云後不得爲例則知無不臺參
之理也 皇朝景德初呂文仲爲中丞
牒中書省用連字牒時李宗諤長西掖

亦作連字牒報之遂移書相責以至文
仲露章後亦兩罷之與此正相類

愈爲兵部侍郎舉張正甫代數日復爲吏部三
年尚書左丞孔戣上書致其事愈奏疏戣守節
清苦論議正平憂國忘家宜留以自助不報四
年病滿百日假罷以十二月二日卒初愈守潮
毛仙翁者期愈自袁州當爲其官其官後皆如
其言云

龜山先生集卷之二
西人曰川瑜
曉山齋序本故物

韓文類譜卷第二

韓文類譜卷第三

韓子年譜

丹陽洪

興祖慶善

歐陽文忠公言天聖以來學者多讀韓文而患集本訛舛惟余家本屢更校正後集錄古文得石刻如羅池黃陵之類以校余家本舛謬尤多若田弘正碑則又尤其甚蓋由諸本不同往往妄加改易而印本初未必誤乃知文字之傳久而轉失其真者多矣則校讎之際決於取捨不可不慎也顏之推云觀天下書

未徧不得妄下雌黃信哉斯言予校韓文以
唐本監本柳開劉燧朱台符呂夏卿宋景文
歐陽公宋宣獻王仲至孫元忠鮑欽止及近
世所行諸本叅定不敢以私意改易凡諸本
異同者兼存之考歲月之先後驗前史之是
非作年譜一卷其不可以歲月繫者作辨證
一卷所不知者闕之宣和乙巳夏四月四日
荆林東齋洪興祖書

世譜

李白作退之父仲卿武昌去思碑云南陽人李

翹作退之行狀云昌黎某人舊史與退之自稱

皆曰昌黎

昌黎郡元魏置

新史曰鄧州南陽人按左傳

晉始啓南陽杜預云今河內地又馬季長云晉

自朝歌以南至軼爲南陽或者因女峯墓誌云

歸骨于河陽韓氏墓而葬之河陽亦古河內地

遂以退之爲河內南陽人非也余考元和姓纂

云南陽褚陽頽當玄孫騫避王莽亂因居之又

晉貞外郎韓安之生潛恬隨司馬休之入後魏

恬子都爲玄菟太守因居昌黎唐書宰相世家系

表亦云河南尹騫居堵陽

堵音者

九世孫河東太

守術生河東太守純純四世孫安之晉貟外郎
二子潛恬恬玄菟太守二子都偃偃生後魏中
郎穎穎生播徙昌黎棘城然則韓氏初徙南陽
之堵陽後徙昌黎之棘城漢書地理志有兩南
陽一曰河內修武即晉啓南陽是一曰南陽堵
陽即韓騫所徙南陽郡在唐屬鄧州故新史以
爲鄧州南陽人別於河內之南陽然堵陽在唐
乃屬均州李太白以爲南陽人是矣新史近之
李翹與舊史皆據韓氏自稱也姓纂又云後漢
司空棱穎川人棱後徙陳留皇禮部郎中雲

卿弟紳卿京兆府司錄兄子會起居舍人愈職

方貞外新史云弓高侯頽當裔孫尋後漢隴西

太守世居潁川生司空陵其後徙安定武安後

魏有常山太守武安成侯著

耆字黃苟後魏明元帝永興中歸魏位常

山太守假武安侯卒謚曰成

徙居九門生茂

茂初賜爵蒲陰子都官尚書卒贈安定

王謚爵安定公謚曰康

均定州刺史安定康公生暉

均字曖銀

曰桓尚書令征南大將軍安定桓王二子備均

天德金部尚書襲爵安定公謚曰康

雅州刺史青光祿大夫

雅州都督暉生仁泰曹州司馬仁泰

見下

桂州長史然則韓氏當後漢時嘗

居潁川最後徙陳留其餘遷徙不常不復可考

論其著者云

竊泰

公兄岌志從
安定桓曰世五
孫叡素爲桂州
刺史南行四方化
人有子曰紳卿最
季

仲興

自潞州銅鞮尉調補武昌令邑人立石頌德李白爲之文改鄆陽令終秘書郎謹云秘書郎贈尚書右僕射舊史云仲卿無名位誤

晉

永泰中與盧東美張正則崔造爲友以王佐自許時號四夢大曆中爲起居舍人貶韶州卒無子以老成爲後公云詞爲世軌

魏

第三滂墓志云父老成厚謹以文爲韓氏良子第未仕而死有二子

唐

史云字北渚大理丞諱行錄云長慶三年擢進士第行第二十一

相

墓誌云讀書作文功力兼人早死行第二十三唐史云寶雞丞擢進士第

諱行錄云長慶四年李宗閔下擢進士第

李太白

武昌碑

云考叢

素朝散

大州夫桂

都督長史

君乃長史

子也少

當塗丞

監察御

史也

史之元

新高郵

史史

雲卿
禮部郎中
科斗書後
記云叔父
當大曆廿
中文詞獨行
中朝即雲

少卿
當塗縣丞
太白云感
慨重諾死
於節義

矣

式行第六

介

率府參軍

公云爲人

孝友祭老

成云吾上

有三兄見

於史者會

與介爾

女六人皇
行第十八
書贊禮部尚
記曰文

時試金用
礪賦震爲
蒼筤竹詩
中第六字
有之行第
十一公祭
亥主簿文
云遣男殿
中省進馬
其名從人
從吉或云
即昶舊名
又公有符
讀書城南
及示奧詩
孟東野云
水詩中第
五十八行
第二

恐誤

錯

字持之撫

言云文公

令孫諱行

錄云咸通

四年第進

士時右常

侍蕭倣知

舉試讓光

賦澄心如

行第二

氏世系少卿而有晉子卿季卿升卿凡七
子卿蓋誤矣維子卿而見者人今人有孫我皇公曰

卿也太白云雲卿文監察御史章冠世拜退之神道碑云雲卿當肅宗代宗朝獨爲文章官李翹韻韓弇夫人云禮部君好立

荊襄左拾遺李漢集賢校理樊宗懿舊史云今史官李漢蔣係皆愈壻第四女擎早卒一次適陳氏人關

有喜符天縱郎子昌云其言子符奉於親使符令未知符也郎祖小云昌黎韓說云昌黎小唐伯名父祖名父子爲集賢校理史傳根車處悉改爲銀至金除捨遺爲至第

密諱行錄之字獻云咸七年及第狀通

紳卿

揚州錄尉
事參軍
涇陽令
李太白
云幼負
美譽公
云文而
能官

封令壻張徵
及況也

唐科名記云
建中四年登第
婿李翹云

第
棄文行修立
朔方節度請
掌書記得秘
書省校書郎
累遷監察御
史貞元三年
吐蕃弗肯盟
君於是遇害
于史無弇誤
下今

諫院不受
有以故人
之子愍之
者因辟爲
鹿門從事

時胡隱
舉試被
衰以象
天賦新
蒲含榮
草詩行

州來 啓餘 無競

號州司戶以能官名
行第十二有基謚

代宗

大曆三年戊申退之生

庚元十四年止
大曆三年止

見李漢昌黎集序是歲代宗之六年也三星行云我生之辰月宿南斗東坡云吾命在牛間而退之身官在焉且曰無善名以聞無惡聲以攘平生多得謗譽殆是同病爾

四年己酉

五年庚戌

祭嫂鄭夫人云我生不辰三歲而孤乳母誌云愈生未再周月孤失怙恃李翹云父沒養於兄會舍按盧東美誌云愈之宗兄起居舍

人君以道德文學伏上世即伯兄會也舊史
不悟宗兄爲大宗小宗之宗遂云愈孤養於
從父兄誤矣

六年辛亥

七年壬子

八年癸丑

九年甲寅

祭嫂云未亂一年兄官王官提携負任去洛
居秦未亂一年七歲也公詩云舊籍在東都
茅屋枳棘籬生兮耕吾疆死也埋吾陂它詩

言伊洛嵩穎者甚衆蓋公屋廬墳墓在東都
河陽今年始從其兄去洛居秦也皇甫湜曰
先生七歲好學言出成文李翺曰及長讀書
能記它生之所習

十年乙卯

十一年丙辰

十二年丁巳

十三年戊午

祭嫂云年方及紀荐及凶屯兄罹讒口承命
南遷復志賦云當歲行之未復兮從伯氏以

南遷至曲江而乃息兮逾南紀之連山時年
十一舊史云大曆十二年夏五月起居舍人
韓會坐元載貶官豈以十二年貶十三年始
至韶邪柳宗元先友記云會善清言有文章
名最高以故多謗至起居郎貶官卒云起居
郎者誤也祭老成文云中年兄沒南方從嫂
歸葬河陽復志賦云嗟日月其幾何兮携孤
嫠安而北旋

以唐史及通鑑考之韓會坐元載之貶
實大曆十二年也以公祭嫂文及復志

賦考之公隨會遷韶年方及紀實十四
年也賦言歲行未復蓋公生於戊申踰
年方復庚申其爲十四年明甚豈會固
嘗以他事再貶耶况諸黨元載以敗無
有度嶺者楊炎道州司馬韓洄邵州司
戶雖王縉始欲誅之亦只降括州刺史
不應會獨貶韶也樊譜只繫十四年洪
譜繫之十三年謂踰歲方至韶失於牽
合也

十四年己未

德宗建中元年庚申

德宗以去年五月即位是年改元上鳳翔邢
君牙書云愈七歲而讀書十三而能文今年
十三

二年辛酉

三年壬戌

四年癸亥

興元元年甲子

貞元元年乙丑

建中二年成德魏博山南平盧節度相繼稱

亂三年王武俊李希烈反四年涇原姚令言犯京師德宗幸奉天朱泚犯奉天興元元年李懷光反如梁州公以中原多故避地江左祭嫂云旣克返葬遭時艱難百口偕行避地江瀆歐陽詹哀詞云建中貞元間就食江南韓氏有別業在宣城見示爽詩

二年丙寅

祭老成云吾年十九始來京城即此年也歐陽哀詞云貞元三年余始至京師舉進士答崔立之書云年二十時苦家貧及來京師見

有舉進士者人多貴之因詣州縣求舉公舉
進士在此年後也縣齋有懷云濯纓起江湖
謂自江南入京師

三年丁卯

四年戊辰

是年張建封爲徐泗濠節度公薦薛公達於
建封云河東薛公達年二十有六按公達墓
誌云元和四年年四十七卒自元和己丑逆
數之至今年二十六歲公時年二十一始有

文章見集中

薦公達書見外集蓋以其少年之作也
然公集有上河陽李大夫詩自咸通本
皆附正集樊云河陽李大夫疑李克也
孟東野亦有贈河陽李大夫詩所謂上
將秉神略者是也考之史傳李克爲河
陽節度使在德宗初年按公祭老成文
云中年兄沒南方從嫂歸葬河陽又祭
嫂文云旣克歸葬遭時艱難德宗建中
三年四年李希烈朱泚相繼稱亂德宗
出幸奉天此詩云四海失巢穴兩京困

塵埃又公時在河陽非李克而何公時
年方十四五則公文章之見集中者未
應以薦公達書爲首也

五年己巳

上賈滑州耽書云愈年二十二讀書學文十
五年自七歲讀書至此首尾十六年一本作
二十三誤矣又云獻策闕下方勤行役時退
之復來京師

按公祭老成文云吾年十九始來京城
其後四年而歸視汝當在來年也上賈

滑州書疑來歲歸途之所獻讀書學文
十五年豈亦總言之耶舊本皆作年二

十三

六年庚午

河中府連理木頌曰司空咸寧王尹蒲之七年渾瑊以興元元年爲河中同絳陝號行營副元帥咸寧郡王至今七年

七年辛未

八年壬申春登進士第

上邢君牙書云二十五而擢第於春官唐科

名記云貞元八年陸贊主司試明水賦御溝
新柳詩其人賈稜陳羽歐陽詹李博李觀馮
宿王涯張季友齊孝若劉遵古許季同侯繼
穆贊韓愈李絳溫商庾承宣貞結胡諒崔羣
邢冉裴光輔萬璫是年一榜多天下孤雋偉
傑之士號龍虎榜

按姚康科第錄李博實本年末名科名
記錄於第四非也又歐陽詹傳謂詹與
韓愈李觀李絳崔羣王涯馮宿庾承宣
聯第皆天下選時稱龍虎榜蓋是榜由

此八人而重也

歐陽哀詞云八年春遂與詹文辭同考試登第贈李觀詩云我年二十五求友昧其人哀歌西京市乃與夫子親送侯參謀赴河中幕云憶昔初及第各以少年稱祭張季友云往在貞元俱從賓薦各以文售幸皆少年舊本列同祭者王涯崔羣許季同庾承宣貞結胡諒邢冉皆同年士也其它姓名往往見公集中公與陸貞外書云徃者陸相公司貢士愈亦幸在得中其後一二年所與及第者皆赫

然有聲由梁補闕肅王郎中礎佐之梁舉人無有失者其餘則王皆與謀焉唐史云大曆貞元間文士多尚古學而獨孤及梁肅最稱淵奧愈從其徒游銳意鑽仰欲自振於一代洎舉進士投文於公卿間故相鄭餘慶頗爲延譽由是知名諫臣論曰諫議大夫陽城居位五年矣城以貞元四年夏起家爲諫議大夫至今五年

九年癸酉

省試顏子不貳過論一本注其下云貞元九

年宏詞試公上考宏詞崔虞部書云執事援
之幽窮之中推之高顯之上又執事旣上名
之後三人之中二人者則固所傳聞矣畢竟
得之而又升焉其一人者則莫之聞矣畢竟
退之即答崔立之云一旣得之而又黜於中
書者又云凡在京師八九年矣自貞元二年
至此八年又云始者謬爲今相國所第相國
陸宣公也八年夏爲中書侍郎同平章事公
應科目又有與韋舍人書

按科第錄是年博學宏詞試太清宮觀

紫極舞賦顏子不貳過論應者三十二
人中選者李觀裴度陸復禮也公與崔
虞部書謂三人之中二人者華實兼者
也畢竟得之而又升焉一人者華與實
違畢竟退之豈固退公而收陸耶又上
韋舍人書謂其窮涸不能自致乎水爲
獵獮之笑者蓋八九年樊以公二年來
京師上韋書當在來年然公與崔書亦
云凡在京師八九年矣亦只今年書也
未易臆定

十年甲戌

省試學生代齋郎議注其下云貞元十年應

博學宏詞

按學生代齋郎議本題實作罷齋郎以
學生享議然亦來歲之試也科第錄十
一年試朱絲絃賦冬日可愛詩議乃此

也或注十年而洪從之非也蓋公併來
歲凡三試宏詞故也公今年又嘗歸河
陽省墳墓見祭老成文

十一年乙亥

答崔立之云四舉而後有成亦未即得仕聞
吏部有以博學宏詞選者因又詣州府求舉
凡二試於吏部一既得之而又黜於中書既
已爲之則欲有所成就因復求舉亦無幸焉
知公今年又試宏詞也是年正月二十七日
以前鄉貢進士上宰相書云今有人生二十
八年矣四舉於禮部乃一得三選於吏部卒
無成又云七年而學聖人之道積二十一年
自七歲至今二十二年矣後九日復上書後
二十九日三上書不報乃東歸時宰相賈耽

盧邁也感二鳥賦序云貞元十一年五月戊辰愈東歸一作十五年按退之以大曆三年

生至今二十八歲序言自七歲至今二十二

年則是二十八歲無疑作十五年者誤也又

一本云貞元五年按公以二年來京師至此

才四年豈遽有不遇時之嘆或曰退之二年

舉進士五年始東歸其後嘗歸江南又往河

陽故祭老成云吾年十九始來京城其後四

年而歸視汝又四年吾往河陽省墳墓若以

十一年東歸不得云時始去京師也余曰公

年十九來舉進士至二十八歲猶未得仕十年之間往來輦轂之下者數矣至此辱於再三慨然有歸歟之興故曰時始去京師有不遇時之歎而復志賦亦云汨東西與南北亘十年以不居也前年上崔虞部書云凡進士之應此選者三十有二人而此賦序云與千人偕進偕退者蓋九年同試宏詞者三十二人至今獨三見黜與舉進士而不第者俱爲不遇故有此語爾

時始去京師謂自京師初出也公三試

宏詞三上宰相書皆無所成於是始決策東歸也然求仕必於朝安能無望望之嘆故於初去之日尤甚也舊史貞元十一年六月河陽獻白鳥蓋公五月見於道六月始進入於時爲合又與百千人偕進偕退按姚鉉本實作百十人此賦云選舉於有司與百十人偕進退曾不得列名於薦書齒下士于朝以望天子之光明蓋專爲宏詞試也况百千亦非語公三試宏詞大都不過百十人耳

洪併同舉進士者而言之非也

晝記云貞元甲戌余在京師明年出京師至河陽祭田橫叙曰貞元十一年九月愈如東京東京洛陽也橫墓在偃師諸本多作十九年東如京按十九年秋公爲御史其冬貶陽山安得以九月出田橫墓下唐都長安亦不得云東如京也

公是歲五月已出潼關九月方過偃師故學著疑之諸本皆作東如京樊澤之又云或曰舊本作自東如京蓋公五月

出關九月復來不過皇皇於求仕耳惟
程致道謂公是年去京師過潼關遊鳳
翔以書抵邢君牙不得意去程必有所
本也按公投邢君牙書曰六月于邁來
觀其師又曰居十日而不敢進謁計公
之去鳳翔當在秋半矣故九月過偃師
也公祭田橫文云昔闕里之多士孔聖
亦云其皇皇苟余行之不迷雖顛沛其
何傷公意蓋有所激也程所謂不得志
者亦此也二譜失於訂正爲推明之

十二年丙子秋爲汴州觀察推官

董晉行狀云十二年七月拜檢校尚書左僕射同中書門下平章事汴州刺史宣武軍節度使公旣受命遂行劉宗經韋弘景韓愈實從唐史云十二年秋以東都留守董晉爲宣武節度汴州水門記曰維龍西公受命作藩爰自洛京單車來臨蓋公從晉自洛入汴也李翹云汴州亂董公辟公以行得試秘書省校書郎爲觀察推官而公神道碑云十四年用進士從董晉平汴州墓誌云先生三十有

一而仕洪譜云二狀載公入汴在十二年丙子與史合而碑誌所記皆後二年殊不可曉豈今年辟公以行至十四年始有成命邪亦不應如是之緩也方攷蜀本樊本無三十一而仕之文但云歷官二十有七年爾然自公卒之年逆數之亦當以十四年三十一年爲歷官之始故公入汴雖在十二年然水門記十四年正月作石本猶但稱攝節度掌書記前進士韓愈是辟命猶未下也計必是年辟命乃下故碑誌之言如此不當以命下之緩

爲疑也

按公入汴之年洪方得之碑誌所計年數若以命下之日言之亦未爲失

十三年丁丑

公在汴有復志賦送汴州監軍俱文珍序在十三年事安得言十四年乃入汴乎要當以公之自言及二狀二史通鑑爲正持正狂躁其攷之或有未審不足據也舊史云公是歲作巡官程記已辨其非矣不知公自入汴後服官治政閒覽經史暇則與友言志悠悠於

汴逮今竟一歲矣

十四年戊寅

水門記云十四年正月龍西公命作東西水門三月水門成其從事韓愈請紀成績一本注云龍西公李勉誤矣晉行狀云十二年八月上命汝州刺史陸長源爲御史大夫行軍司馬楊凝自左司郎中爲檢校吏部郎中觀察判官杜倫自前殿中侍御史爲檢校工部員外郎節度判官孟叔度自殿中侍御史爲檢校金部員外郎支度營田判官公有天星

詩送楊凝郎中賀正唐本注云貞元十四年
也柳子厚作凝墓碣云爲宣武節度判官會
朝復命次于汴汴亂不可入遂西走闕下然
則凝以今冬朝正明年未入汴復走京師故
祭董公文列陸長源孟叔度丘穎韓愈無凝
也是年有楊燕奇碑